

Hong Kong School Drama Festival 2020/21
二零二零至二零二一年度香港学校戏剧节



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : BUDDHIST TAI HUNG COLLEGE

学校名称 : 佛教大雄中学

Name of Play 剧名 : 爱与梦飞行

Script writer 剧作者 : 叶佩珊 (学生)

Synopsis 故事大纲:

这是一个横跨三代，关于爱和梦想的故事，是阿牛、牛仔和敏音三代人与梦想的故事。三代人各有他们的梦想，但现实总会阻挠追梦的旅程，梦愈来愈远，爱亦渐被遗忘，亲子关系逐渐疏离。这结，应如何解开？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场 牛爸年轻的梦想

【音乐起。】

【灯亮，音乐淡出。】

敏音:依个系一个横跨三代，关于爱同梦想嘅故事。首先出场嘅系阿牛。

【阿牛从台右出，他拿着课本走往石壘，埋头苦干地读书。】

敏音:系呀，佢真系叫阿牛㗎!佢全名系程大牛，系程家嘅九代单传。阿牛嘅元朗嘅扫管笏村长大。佢爸爸系一个菜农，而妈妈就系攞啲菜去街市度卖嘅小贩，一家人自给自足，过住清贫，但系又简单愉快嘅生活。1971年，阿牛18岁，系村校里头出晒名勤奋好学嘅高材生。

【一群村民出，他们在游玩着，村长儿子及同伴在打篮球。】

村民一、村民二:我哋今日做咩好呀?

村民三、村民四:(指向村长儿子及同伴)你哋睇下嗰边!

村民一、村民二:哗，好靚仔呀!

敏音:你哋睇到啦，当所有人都喺度嘻嘻哈哈嘅时候，只有佢喺度刨书。【离场】

【惠玲拿着报纸，冲了进场。她是可人儿，很多男同学都很喜欢她，借故亲近她。】

惠玲(青年):【兴奋地宣告】大新闻呀，大新闻呀!【众人都停下本来正在进行的事情，走过惠玲处看过究竟】苏联火星3号探测器，喺火星成功登陆呀!

村长儿子:【搭着惠玲的肩膀】哗!咁话唔定我哋第时可以去火星旅行㗎!

村长儿子同伴:【倚近惠玲】你话嗰度会唔会有外星人㗎?

【惠玲不知如何回避的同时，众人议论纷纷。】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

【坐在石墾大力合了书，站了起来。】

阿牛(青年):【不悄】大惊少怪。【欲走】

村长儿子同伴:喂!程大牛，你话边个呀?

阿牛:【停下来】你两个呀。

【众同学鼓噪起来，村长儿子的同伴更欲冲过去打阿牛，但被惠玲拼命拉住。】

村长儿子同伴:你唔好以为读书叻就大晒啲!

阿牛:【叹了口气】净系识得郁手郁脚。

惠玲:唔好啊!

村长儿子同伴:【更火大了】缩手呀惠玲!

【村长儿子同伴挣脱开，一拳打了在阿牛的险上。】

阿牛:【掩着面，冷冷的望着村长儿子的同伴，向前行了两步】你满意啦。

【村长儿子按住了同伴的肩膀。】

村长儿子:【对阿牛】我哋走。【转身挥手示意大家离去】

村长儿子同伴:哼!【与村长儿子一同离去】

村民一:无野睇啦!

村民三:咁走喇!

【剩下阿牛和惠玲二人。】

【二人静了好一会。】

惠玲:【打破沉默】阿牛..... 阿牛:【忍不住】佢哋摆到明对你毛手毛脚!点解你唔出声呀! 惠玲:咁佢系村长个仔.....我爸爸又喺佢屋企打工.....



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

阿牛:咁就可以由得佢乱咁嚟喇咩!【怒打石壘】

【惠玲看着这个跟刚才态度判若两人的阿牛，不怒反喜。】

惠玲:你嘅心意我明白㗎。

阿牛:【听罢感到尴尬】你明咩咩!

惠玲:明白你第时想做航天员嘅原因㗎。

阿牛:【实时四周张望】嘘!唔好咁大声呀!俾人知道就实俾人唱我发白日梦呀!

【惠玲笑了，走了过去石壘坐下。】

惠玲:为咗细个嗰阵时嘅承诺?

【阿牛点头。】

惠玲:唔驶太勉强㗎，只不过系我同你细个嘅梦想.....

阿牛:【冲口而出】唔系呀!同你一齐上太空睇星星已经成为咗我嘅人生目标!

【一静。】

阿牛:我想离开条村，去香港大学读书呀。

惠玲:【吃惊】点解呀?你喺度读得好地地，成绩又好，而且仲有半年就毕业喇.....

阿牛:喺村校毕业，学历唔会俾主流社会承认㗎。而且唔出去读大学，我最多都只可以喺返村校度教书，我永远都有可能有机会做到航天员。

【惠玲默然。】